

– Mangav te phenav tuke kaj me o ekvaš barvalipe ka dav tut ili tu ka des man to barvalipe, ako davkha manuš uspeinel te del ande me dyržavate thaj te žal peske paš tute, tu des man to barvalipe.

O thagar mislingjas kavka, mislingjas, mislingjas pa phengjas:

– E, so si pa dikhi mislimnaske.

An pe gogjate phenel:

– Man si but silno manuš kovato dži akana meri duma vinagi kergjas, a mislinav kaj ov ka spravinel pes.

– Ovel li, be?

– Ovel thaj podpišinen dogovori.

– Kana ka ačhol davkha?

Opredelinde pi data, opredelinde po djes, edi si koi den, edi si koja data, davkha manuš trebva te del andre andi stolica, o dejba so ka del andre te mukel o nišani, kaj dejstvitelno dinjas andre, kaj kergjas dekh prestyplenie, dekh but bari buti kergjas za te dokažinel, kaj ov dejstvitelno svyršingjas dajkha buti, thaj gelo peske, thaj me perav ko barvalipe ako cidel vov davkha manuš man si but silno ohrana za smetka na tova tu ka des to barvalipe.

– Ovel.

Opredelineda vsičko hubavo, doviždane, gele peske. Gelo peske o thagar khere thaj mislinel soibe na dolel les, celo rjat, brej sar ka ačhol davkha ekvaš o barvalipe ka džal! Džan thaj vikinen e kale voinikes – si les jekh kalo voiniki kovato dži akana jekh duma leskiri duj na kergjas. Seko jekh duma so phengjas svyršingjas dikhi but silno voiniki, dikhi but sposobno voiniki, kaj andi celo stolica ĩestar po sposobno thaj po silno nanaj. Ov razčitinel leste napylnu thaj phenel leske ačuka šun phena be:

– Ačuka, ačuka, ačuka, me veče sinjom thagar ačhiljom pinda brešengoro thagar tu sinjan terno dvaise i dve-tri godini,